

四庫禁燬書叢刊編纂委員會

北京出版社

四庫禁燬書叢刊

集部第八七冊目次

默菴遺藁十卷(原缺卷九卷十)

〔清〕馮舒撰
清康熙世豸堂刻本

一

耳鳴集十四卷

〔清〕王邦畿撰
清初古厚堂刻本

四三

擬山園選集八十二卷(一)

〔清〕王鐸撰
清順治十年王鑑刻本

一〇九

默菴遺藁十卷（原缺卷九卷十）

〔清〕馮舒撰

清康熙世豸堂刻本

北京圖書館藏

吾黨馮生已蒼蚤謝舉子業枕經藉史肆志千古其為學尤專於詩其治詩尤長於搜討遺佚編削謬誤一言之錯互一字之異同必進而按其遞隱辨其根核當其朽斷簡紛披狼籍魯魚點定青丹勾抹夢夢然若未視也倂倂然若有求而弗得也已而疑滯通膠午釋忽然而睡煥然而興若逐寇者之得首魁也若案盜者之獲贓證也蓋本朝之論詩所推專門肉譜無如楊用脩已蒼獨能據其跡駁曰此偽撰也曰此假托也鑿鑿乎有所援據而疏通證明其所以然雖用脩復起不能自解免也若近世之詩歸錯解別字一一舉正賓筵客坐辨論鋒起援古證今矯尾厲角自以為馮氏一家之學論者無以難也已蒼顧不鄙余而以其蕞蕞請序孟子不云乎君子深造之以道欲其自得之也又曰博學而詳說之將以反說約也余以為此學詩之法也杆山之言曰取由我衷得若神表文外之旨但見性情不睹文字嚴羽卿以禪喻詩歸之妙悟此非所謂自得者乎說約者乎深造也詳說也則登龜之溪渡水之筏也讀書破萬卷下筆如有神別裁偽體親風雅轉益多師是女師得之者妙無二門失之者邈若千里此下學之經術妙悟之指歸也荀卿曰誦數以貫之思索以通之為其人以處之除其害者以持養之以是學詩也其幾矣乎已蒼之詩行世必有讀其詩而知其學者於以箴砭俗學流別風雅其必有取於此矣余之為序非以張已蒼亦以為學詩者告也

馮舒字已蒼幼承家學蚤謝諸生肆力於古含咀經史穿穴百家尤邃於詩萬曆間詩道廢壞舒搜討遺佚編削謬誤疏通證明賓筵客坐辨論鋒起矯尾厲角自以為馮氏一家之學藏書甚富丹黃甲乙手自雋勘皆宋元善本攜一小閣中設兩廚各題一銘以寶藏之崇禎丁丑錢宗伯謙益瞿給諫稼軒為姦民誣舒下錦衣獄移刑部訟繫經冬誦讀不輟婁東張溥倡為復社網羅俊英屢招舒等以社名犯父偏諱弗往平生直腸快口軀幹偉然遇事敢為不避強勢小人嫉之如讎順治初相與構譽於縣指所選懷舊集為謗訕曲殺之士林咸痛焉所著空居集北征浮海諸詩空居閣雜文二卷炳燭齋文一卷懷舊集二卷文毅二卷海虞妖亂志二卷歷代詩紀一百卷

蘇軾遺集總目

第一卷

空居集上古律雜歌詩五十四首

第二卷

空居集下古律雜歌詩八十首

第三卷

北征集上古律雜歌詩三十七首

第四卷

北征集下古律雜歌詩六十三首

第五卷

浮海集古體今體詩二十首

第六卷

避人集上古律雜歌詩四十八首

第七卷

避人集下古律雜歌詩六十三首

第八卷

幽遠集古律雜歌詩五十九首

第九卷

雜文十九首

第十卷

雜文一十六首

蘇軾遺集總目



默菴遺集卷第一

長樂馮軒已蒼

空居集上 古律雜歌詩五十四首

感舊詩一首贈錢大履之 有序

余生十八而識友生之樂至今二十年離合聚散之故蓋
怵怵焉友人安十者諱焉吉無錫名家子父有金百萬君
最幼僅得百之三浪遊三十年盡其業流寓余里中能
歌南曲自云受之崑山衛良輔分判節度累奏不差常曰
南曲有官有調聲亦別焉能歌者聲聲即辨不待終曲也
今之歌者何足道每遇風日晴朗必過余鼓驕軒渠歌奏
聞作長身矍然也今年夏疫漬死矣余性不佞佛壬戌歲
始從鶴林寂公遊心欽焉師謂余曰維摩經云直心是道
場子殆庶乎今年七月而鶴師逝老儒張應選者字遇
茅醫好言避世及道家黃白新術之術海外旁行不可究
詰之書余心樂之語輒移日春而病夏而死張叔維名鑑
善畫好為孤介所如多齟齬不合甫得錢即以周貧之以
故益窘而行意自如去年三月邂逅於杭州昭慶寺寺
共食盡雙松梧竹為贈酒酣為余吹簫今年秋客虎丘訪
之不遇未幾死年五十耳王慎初者名敬德少以訟破家
常相戒曰訟非得已寧也余先人亦有田產今敗矣其初
激於不可忍耳究則無所不忍凡生平奴隸視供指搗者
無不仰面乞憐反唇相譏何如忍一人屈一時之為快也
余歎息以為知言今年八月友人有捷於應天試者慎初
過余曰同學俱不賤子且奈何子尚有待也我今年死不
復見矣相顧涕泗因出畫像請余贊之九月而病逾月腹
瘕死相與交十年未嘗見其妄取一錢也嗚呼余生三十

八耳齒髮向衰方有無年之憂今一歲中而棄余去者且
五人故交零落曷勝其悲過此以往將余之悲他人者亦
他人之悲余乎五人死有余悲之余而死誰以余之悲五
人者悲余乎錢子履之與余交最久亦最善庶其悲余也
已感而賦詩因以為贈時崇禎庚午十一月
獨坐空室中沈瀾涕無已沈瀾亦何為念我故交子在昔
萬曆末安君同閨里余居南門外君在西庄裏朝從暮復
過步歷何還遲時復起高歌婉轉其能擬自言少年場余
昔稱絕技發聲辨陰陽索諸論宮徵商角人良輔不可起
首尾竭來三十年時世何靡靡知音竟何人良輔不可起
一朝懸疣潰丹旄悲西指艤舟送子去望望河之汴歸來
過君門庭空有敗几鶴林雲棲嗣結菴廬山趾一面兩會
心但覺慈容喜謂余有風因道場直心是未能棄家遊遠
化一何駛雖復無去來學人自翹企張公古心人處亦有
妙理平生喜奇異黃白兼巫史每云世將亂城市非所止
會貢十畝田扁舟傍水浚有志不克遂惡婦徒張喙叔維
聖塊人丹青當耘耔遺我雙古松梧竹共一紙問余城南
居著書幾盈度去年宿昭慶烹筍食同簋今年遷虎丘對
月空倚徙如何數日間一暝不復視子幼復家貧孀妻竟
何倚惟餘洞簫聲嫋嫋猶在耳嗟予抱氣激不平時裂眦
王君與余遊相品能忍恥每從孟酒間歎息時彈指古人
有格言忍過事堪喜余也敬書紳紉佩比蘭芷今年八月
末執手語嫋嫋同學俱不賤子今竟何以子才遇有時我
病不可俟相知十年餘慚愧無足齒會當贊我像知心賴
此紙余時笑謂子言一何鄙生死乃大故相去豈但咫尺
子年五十一去我僅一紀從此十年強憂貧不憂死但愧

貧薄人無足當君旨從茲一別去秋盡冬方始夢中忽有
聞如言子已死攬衣初下牀戶外有君使傳君別我書一
札百餘字上言久相知下言長訣矣驚哀讀未竟酸痛傷
心隨嗚呼一年間積日三百耳如何五君子荒塚空累累
來白苦無多去安所底歿者不可作生者亦無幾自昔
十八九結交有錢子作眼同青白開口同呵咎看花同車
船踏雪同履齒置身青蠅間亦復同翕此回頭二十年交
態常爾爾爾古稱膠漆契爾我亦如此祝子享期頤黑好
纏纏有男教詩書相將拾青紫婆娑兩老人閱世一百換
蒲柳儻先摧期君保終始

對酒偶然作七首

讀書無所成聊爾事稼穡種秫南村中十畝得十石五石
足供輸五石矜新復麴蘖昔已儲和齊兼鼎錘低頭拜杜
康但願清樽溢朝來開缸看氣味雨湜湜豈特樂妻兒
可供賓客罌壺滿牀頭老生顏色
舉盃忽不飲思彼塞上公倚伏諒已定得失徒怔忡何如
古至人無我觀鴻濛鴻濛在何許欲往道何從
從之泰山巔泰山阻若從之東海濱東海波滔滔去住
兩未成中心悵無聊遐思古人言妙理在濁醪舉盃時讀
書息念安枝巢

太玄不覆瓿三都亦膾炙老壯年或殊小伎無高下辟彼
清濁醪取醉安有差惜哉楊子雲為爾生悲吃逝將逐
魚終焉此耕稼
馬遷著史記云欲藏名山豈無讀書者但謂知音艱今茲
何為爾丹鉛遍人寰老來念此事通夜目繚繚且須中聖
人一為解漸顏

漸顏何窮已願得書五車窮朝事幽討捃拾若畋漁取方
托元始補拙藉勤劬如此三十載庶窺作者隅旗鼓戰邪
僻雷霆震聾愚李何與王李鍾譚及袁徐妖氛既蕩綠壇
坵皆汚緒始覺天地間日月常皎如惜哉時不與此志亦
丘墟

誰謂炳燭明不如日月光歎息皮相士嫫母欺姬姜眇小
笑薛公好婦輕張良力學吾自許語人非所詳作箋上天
公願得大力王燎此誣世者一炬如阿房乘雲劉泥犛天
門炭將將一大而九首當關何彊梁吾言既不達吾心徒
自傷不如且飲酒沉醉歸吾鄉

府試日贈同試老翁一首

默菴居士年四十頭白面皺齒欲墮案頭久廢帖括業試
通妻兒強牽課提攜筆硯入吳門舉足欲前心不奈是時
九月正初一晚霧夢夢風若簾府官朱衣呵殿來諸生
齋七百個吾亦其中當一人俛首羞顏豈堪泥須臾聖板
看試題下筆無能但深坐傳餐最笑聲喧喧不覺日光已
西強強將蠟炬續殘篇老眼昏花書字大誓將今日了今
生糠粃從茲免颺播踉蹌交卷迫欲出門鑰不啓愁無那
腰酸背楚立未能長歎聲高疾於呼門邊老人苦思澁紙
筆呻吟若忍餓聞余太息相慰勞問余年光幾折挫余言
去年三十九今年四十差可賀老翁撫手更張目嗟哉子
言真罪過不見磻溪老釣師八十始為王者佐吾今六十
子四十譬如子生駸始驕余聞匿笑不自禁兩旁少年皆
禁哂老翁老翁聽吾言我今願息非我情當今名六讀異
書說經不用丘與軻於陵新著仲子篇
驚聞子貢作陳有子貢詩鐘批左傳實腐俗

何堪拾殘唾又聞天下兵戈起總把生靈當斬荊廟堂牛
李爭怨恩與犬當關有人嗾借如拾得進賢冠掣肘無成
空脚踈何如抱犁向南畝贏得閒來且高卧老翁老翁何
太愚人生百年有幾個功名富貴前世緣讀書識字今生
病祇今若不歸去來為問欄衫幾領破老翁老翁何太愚
志行不休當自摧欲學少年競竿牘爭奈朽老無錢貨爲
翁援筆作長語曼聲贈翁當楚些

甲戌除夕

無端四十二年春又作今宵守歲人書卷久拋知有命妻
帑相對獨嫌身冷看世事天應醉細數流年佛亦嘆堪歎
兒童渾不管祇將竹爆闌比鄰

乙亥元旦

霧濃風急擁殘燈屈指今朝歲又增世態未能妨我睡流
年漸似得人憎辛盤無物堪供風春氣漫天已見蠅便擬
出門何處去心期端不負良朋

二月十二日出北郊

春至年光爛不收老懷無賴亦淹留尋來舊伴幾山鹿攜
得清尊狎野鷗有主名園爭逐客不多心事性藏關可憐
造物無新意只是東風送白頭

寄巢詩贈石林師

石林禪師宏覽博識君子也始祝髮於智林寺已而寓東
塔又避地於郡之北禪目所止曰寄巢余廣其意爲詩以
誌之

聞君有寄巢巢今寄何地去來本無常行住安可計試觀
吾有身何者不爲寄寄色在我目寄香在我鼻寄耳知有

聲寄舌知有味三毒寄我心婉轉不能避及至因緣滅矣
得一大事人以寄爲真開目驚夢寐辟彼盲眼龜腐木以
爲底子以真爲寄白肉生瘡惡譬彼大海水分別以爲智
願子入無餘斷此前後際在空即爲鳥戾天乃忘翅在淵
即爲魚隨波不驚餌寄在理難一寄滅成不二祖師從西
來此中有真意嗟余苦流浪萬事悲乾繫功名久意息妻
兒尚爲累奮飛了不能空言祇增愧稽首禮覺皇終當從
子遊

仲春登虞山步自拂水新路時山門成趙令所築亭已毀

未甘足弱強躋攀不仗孤筇也入山抱石野梅隨候盡倚
松驕鼠向人語處處新勢古樹荒來憶舊顏最是
近脩官道好不將險阻賺人寰

又從拂水到維摩寺禮金粟招老僧飲

悶覺空山歸不易暫憑老脚再徘徊林空達負飢鷹勢風
重還愁惡瘴來膠漆眼前惟野衲離憂物外仗一盂淨名
居士原無病莫枉天花亂作堆

春深獨遊

性僻難求伴春原祇自行強尋桃面笑生怕燕泥爭舉袂
障人醉極衣絮犬獐最憐沙渚畔風急春令鳴

同從弟野步

不覺春將半間行別有情簪花遊女出把耜老農耕風軟
能催燕波深莫採蘅獨悲羣從少執手歎榮榮

薄暮登南城開眺

幽居兀兀思難平傍晚登高上古城到處層樓矜意氣不
多空地著閒情無才未敢誇能賦有路何須羨倒行收拾

芒鞋且歸去遙看青嶂出林明

看小兒放紙鳶

一番白紙強粧成頭角尖斜骨亦輕夜著紅燈疑見慧朝
驚孤鴈又安箏翻飛祇藉狂風勢墮落還愁急雨聲勸爾
一絲牢把定不然何處覓前程

閉門謠

手不扶犁種得田一畝倉中安望有餘粟身不採桑養得
蠶一絲箱中安望有餘服仰藉皇天祖宗蔭單夾隨宜食
有肉況兼敝廬蔽風雨又值今朝酒初熟酒熟閒傾滿
盆盆乾聽我關門曲我非不欲爭名競利超市朝貧賤生
前有定錄我非不欲柔聲下色事貴介黃金不多交亦促
所以今年四十三歷盡人情轉孤獨孤獨且奈何閉戶多
閒福不著祖生鞭不聽賈子鵬有眼惟將古人對無才敢
向蒼天哭所杯尚盡更一杯醉眠醒飲還相續但能保此
足平生何事出門空碌碌

雨後竹輿山行

久無塵面向山丘今日籃輿盡意遊非爲雨餘嫌獨步却
綠風重怯輕舟林深孤鳥驚還起雲散殘陽去又留攜得
一尊聊自醉無車何處覓三騶

夜不得殿贈內

步正愁難遣君緣病更憂都來萬重意總聚一牀頭煙霧
呼難覺燈殘焰尚留貧難幸相守莫恨嫌黔婁

夢歌

不關中酒怯春寒何事逢春却夢歌欲話無生消妄想一
家空自愧團圓

雨後代書招友人教白體

昨宵雨氣漫山渥今日泉聲聒耳多料得菱絲纏老荇即
看燕尾掠新波我老君閒正相似何妨艇子一相過

人十華

贈雲南杜南陽杜知醫能辨陰晴有祈雨術亦爲
角巾革履破衫褸六詔來程萬里餘口叱雷霆妖魃死心
存鉢兩病魔祛時從向背占龍勢欲辨陰晴問帝車願
乞君爲弟子枕中何各一通書

昔昔鹽二十首

齊梁體

垂柳覆金堤

從來離別恨偏到柳條深何當攀折處新綠覆新陰絲絲
交遠陌葉葉攪離心畫角中宵發併是相思音

蕉葉葉又齊

相思何所極空想下山期因茲章臺裏流盼蘭堂西羅生

何冉弱髮靜綠華已如此故心君儻移

永益哭容招

故心不可問設情聊可憶自昔嬌小時紅藥比顏色窺
吹新粧的的兩相得蓮心今何在徒見春塘溢

花飛桃李蹊

春塘自渺渺桃李久成蹊敢恨投無報慙嗟昂又低露沾
飛易墜絲眉舞遲遲朝來將折贈日暮歎空枝

採桑秦氏女

看花恨成葉採葉問柔桑三月喧妍節十五好容光不知
離別苦不意忽身當驪駒何日返爲問侍中郎

織錦實家妻

桑落蠶初罷含淚入機來絲脆梭疑澁辭長字莫裁妾心
指漢水君意逐陽臺未知寒到否衣至僅能開

關山別宕子

君心豈不懷分是關山隔峯高馬寧度關斷書難越素綳
竟何成少婦空華髮願君出塞時還顧關中月

風月守空閨

風月正團圓始集玳簾端暄風動窻戶入慢共盤桓獨眠
真不易獨坐更無歡此時銀燭下角枕一邊寒

恒斂千金笑

角枕昔雙陳雙陳亦雙筵今日孤幃裏單栖足長嘯玉冰
倦投壺如臯未解素領城敢云奇要侯征人到

長垂雙玉帶

征人何日至望望實悠哉情同送雙燕夢亦贈雙魂眠時
枕畔見夢後鏡中來苦都城已墮蒼梧雲不開

蟠龍隨鏡隱

蟠龍隨鏡隱
多鏡嬾挂從此妍粧已昔以盤龍珍今同飛鶴化玉臺
自奉車繡帶空繼繼君行儻時還孤驚未甘死

彩鳳逐帷低

彩鳳逐帷低
嚴粧怕無緒回身就綺幃輕紗宛平昔珠綴滅光輝祇憐
雙舞鳳相向共徘徊何日芳香發獨卧今低垂

驚寬同夜鶻

驚寬同夜鶻
獨居苦齟齬夢斷驚還泣辟彼填河鵲抵玉孤鳴急月明
鏡樹飛兩齋依枝立聲喜竟何為道遠書難及

倦寢憶晨雞

倦寢憶晨雞
宵長竟屢驚獨夢了難明銀河想已落翠羽尚無聲幽關
客未過齊宮粧不成轉展空轉展側耳恨蒼蠅

暗隔懸蛛網

暗隔懸蛛網
拭目初下牀奉帷坐久去意劇舍生朝光初似西蜘蛛

曉猶織暮暮常當心腸絲長徒自懸望望空搔首

空梁落燕泥

綺窓今不開昔日燕曾來唼泥堆繡枕側羽拂珠帷故交
情已絕故壘幕同危情來仰面看一片委塵埃

前年過代北

閨況今如此君行想亦難遙思去年日君在五原關常山
風正厲桑乾渡不難昏昏雲暗蕩子儻思還

今歲往遼西

君還未有期知又到遼西別速音彌隔心遙路更迷獨銷
闌草碧共望塞雲低去去五千里不寄萬行啼

一去無還意

行踪雖可憶別緒轉無端徒知才足恃不念歲如流析木
氛運津頭氣亦殘君心自迷感詎是道途難

那能惜馬蹄

道途誠不易良馬輕乎里妾不惜障泥君自要生死春日
恒妍遙孤闌空徙倚金鞍何日還望望無窮已

有書漫絕詞寄人者依韻和之往返各一首

幽寂碧靄雙螺黛無切截秋此一寸珠但得月從雲際墮
勞相憶贈文無

不求雍伯三升玉不羨梁家十斛珠但得此心難決絕定

甘幽怨隔河無

和二首後重贈陶子齊

不將正眼窺真諦却向旁門覓驪珠聞道愛河多駭浪
靈今得渡來無

中秋夜二首

天將今夜洗寰瀛難洗愁心感倍生髮白豈堪蟾影照齒

寒不奈露華清誰家半臂三重錦幾處歌喉一串聲獨自掩門遲獨卧孤燈相對兩盈盈

枕手燈前夢不成夢成還擬到瑤京手攜窈窕侵雲度車駕龍麟追漢行似有玉真傳錦宇遙看仙仗卓霓旌罡風正急且歸去愁聽虛憲蟋蟀聲

節婦吟爲袁母作

昔人輕改嫁改嫁不爲諱尚少固其宜貧寒達有位聖朝重改嫁改嫁人所棄哲婦固吞聲不肯亦仰企世風既已然人情最苦上所以苦節者貧賤不足貴悲哉袁生母袁死亦何爲上無翁姑憐下無弟兄恃藐此三歲孤孀矜如未視欲煮盡無粟欲慳機無緯竭來二十年之死靡他志豈若富貴家多金恣驕驕後羅珍羞惡中理金翠豈若富貴家氣勢屈屈屈坐志揮斥娘姐爭諶媚一旦巡方

過故人屢不遇贈之二首

必桑中愧四座且勿喧聽我詩言志富家節易守守易旌亦易貧家節難成節成空悲淚二者竟何如敢告採風使十叩高齋十見辭門前槐柳總新枝可憐舊犬迎人吠還似當年客到時

低雙眼總如銀

江陰遇薛康逢出其尊人虞卿所賦七十老翁何所求絕句見示感而賦詩以厲其意

乙亥冬之季我從江陰遊強入少年隊自顧終難儔少年積如雲我髮白颯颯少年顏如花我老黑於髮少年理帖括我獨忘吟詠所以一室內異志同美首忽然薛康逢惠

顧相網繆爲言尊大人不樂事王侯首箱走西蜀今棄如

脫鉤貧以無事貴坐卧一小樓時復吐高吟託興無所求

我時聞此語灝氣開咽喉辟如鍛柳下枯阮相勸酬辟如

鼓長楫漁父同竿舟浮雲蔽明月忽然開青眸因茲廣翁

意翁歌我爲訓老翁老翁且高眠古來世事盡茫然度齊

吾聞百有十顏于三十已華顛祇今二子竟何在荒墳敗

草同芊縣項王初起二十四七十餘戰鋒無前至竟穀城

三尺土劉季淚落徒涓涓長陵自謂萬世業可憐俱是北

印烟節義何足弔西山悲淚東陵笑文章亦何憑直言曲

學兩難徵不見開科中李杜近聞著序笑歐曾兩翰林若人時文序

生各事百年期呼馬呼牛總任之若將世態填骨髓簷前

乳燕亦趨時少年於我更何有幾個少年能白首翁今七

十吾四十到得期頤尚許久但擇雙眼看少年翁今賞我

知言否

集卷第一

一

集

默菴遺藁卷第一

默菴遺藁卷第二

長樂馮舒已荅

空居集下古律雜歌詩八十首

晚春偶懷五言十首

先生佳南郭有室擬菰蘆瓦破昔邪出牆危薜荔扶抵堪容乳燕不合偃侏儒天下非吾事嫌塵自縛蒲

一室荒來久鄰家借小錄先除穿砌竹次斬透窻兼忽現梅身瘦旋添蕙葉尖庭空吾畏影急為覓重簾

兀坐笑因循空齋剩一身閒書翻即好香篆攪來勻舊事悲還憶新聞怪不嗔豈嫌闌近牆外任斷斷

有氣冲霄漢無才避草萊頭臚千丈雪身世一庭槐獨向斜陽立還愁野雀猜會須逃俗外遠戶長莓苔

又是三春盡捫心實暗驚舊遊皆貴客新號得狂生怕雨嫌

蠹蝨聽風不聽鶯還憐羣從少未得廢將迎有物壓人頭經今四十秋人欺翻省事鬼笑奈包羞縱得

傷時夢都無養拙謀却慚雙燕子生計自綢繆欲敗肺常渴心孤膽不雄梅酸時入夢鼠黠便呼翁人自

嫌吾道天應恕乃公儘能強健在鼓腹咏皇風劇笑人生拙都將假作真藥方隨日換祿命逐年新幾見

醫祛病何害術有神且將安分過今世總前因怯火背燈久燈寒火亦微鼠狂翻得勢犬瘦臥無威紙破

風方橫城高角已稀竟醒終不寐合眼亦披衣悶惜山遊破山遊倍不任逢人非舊對相賞少幽禽幾處

名園換離家畫閣深不如歸去好真更引童心

又七言十首
四十年來多少人半驚卓絕半埃塵可憐身老心猶健也

共兒童過晚春

拋殘舊卷任夷猶縱有新詩亦懶酬想得虞卿辭印後著書應是未窮愁

燕來簾幕正藍絳亂墜春泥點薄衫聞道近來官稅重勸君取次其輕叩

種得舊薇不著花祇將綠葉記年華大都花事開時短似得濃陰莫歎嗟

久拚身世百無成指點青山眼倍明已共夢魂新訂約但逢喧處不教行

病桃一樹小牆東到得花時也自紅底事天公渾不管等閒開落任東風

天遣今朝敗酒名三杯已是氣怏怏醉鄉聞說無多路如匙衰頹不易行

偶思閒事氣難裁解帶披襟意未灰賴得東風最相惜不辭輕好入懷來

實課年功百歲知水邊逢影笑支離何堪尚以貧為累不結雲山老去期

屏却塵鹽無長物消除筆硯仗閒詩此生漸似無多事嫁嫁三年是了時

秋夕對雨為履之悼亡兼傷往事
不堪昔日生離句履之愛婦被道有詩見示何意重題死別詩淚枕可曾留

夢在在昔年夢中遺環又見施僧時涼朝已失梳頭伴昔年履之見詩

五夜應通異路辭想得高齋今對雨舊愁新痛兩

差
初冬過尚湖
蕭條簾幕不遮風百頃清光半幅蓬山色有無斜照裏人

家低涇水烟中薦，遙枯草竿竿白。登眺殘霞片片紅，如此風光誰與會。筆牀茶裹伴衰翁。

次日又過過風重用前韻

此生慣是石尤風，敢羨鄰舟趁飽蓬。但得機忘人事外，何妨萍住澤波中山。合微雨千重綠，面仗清梅一晌紅。底是風波能任運，不勞搔首問天翁。

有客

有客新從海上回，生犀滿案蚌成堆。何須更酌貪泉飲，憑仗文章博得來。

野老

城北城西總有園，主人花下正開尊。不知野老牆邊過，旋刻湘筠記淚痕。

旅歌

生前願作信陵客，死後願葬華墓老人立志本如此。堪歎年華久相負，郭一頃田欲賣未賣真可憐。升鉛百卷書朝讀，暮讀何其愚。不如拔劍出門去，安願兒女牽衣啼。老妻顧我言願子，且踟躕子今何所去。子去何所為，長槍大戟非子事。名卿貴人將何依，戟手為婦語子言。一何鄙，人生豈合不稱意。丈夫會應有知己，知己一朝遇抵掌吐六奇。盾鼻旋磨墨羽檄縱橫飛長繩縛，再拜獻玉璫。搜契輔堯舜，歌謠聲詩何能老。死茅屋下草項黃飯無所知，老妻顧我笑人言子癡真大癡。古人有言直道焉往，不三黜舍此適彼何不思出身匪科第，屈宋總吟寶結交。須黃金丹憲毛知音，李何王李文章伯子視一錢亦不直。素湯鍾譚天下師，子獨唾罵供笑。嗟如此狂愚世所怪，無論賢愚皆裂眦。豈獨邯鄲學步，向歸祗見木偶飄流土。

偶敗歎息還升階，乃知卿言亦自佳。舍我行囊棄我馬，低頭還入茅簷下。朝歌入戶背已熱，明月停空友非寡。耐可耕田種黍稌，時還捉筆論風雅。百年從此老時多，辟如已死當奈何。

擬寒山詩三首

可憐世上人，事業何瑣碎。朝量米共柴，暮配鹽與豉。見錢眼便赤，未見亦攘臂。粧點門面好，云為兒孫計。兒孫竟何人，吾死不可替。張公自吃酒，安用李公醉。

人生天地間，冤苦六親會。妻子及弟兄，奴婢兼親外。以我妄我錢，我願還我債。可怪一種人，要錢便惡賴。我今盡還汝，慎勿起毒害。我欠今已還，汝還何年代。試看猪牛羊，何緣付屠脍。

伸手討一錢，市人喜便與。受者無喜色，與者亦無連。一旦金錢多，取與費口語。錢財入手盡，多寡在何許。語君苦勞心，不如伸手取。

漫懷三首

作詩貴言志，豈與世俗論。有客謂我言，軒冕六義存。各不列科目，枉自勞心魂。此事久自歎，此語不忍聞。吾衰已矣夫，之子附青雲。

夏蟲不知冰，寄聲問蟋蟀。蟋蟀謝不知，且待秋風瑟。須臾玄冥至，牀下悲鳴急。欲寓夏蟲書，還化嗟無及。蚤知朔風寒，悔不從子息。有生總為勞，與疾蟋蟀共大椿。究竟何得失。

冰蠶家在冰火鼠，老於火水火互相易。蠶鼠俱衰我人生，各有志志在無不可。知音竟何人，眼中空瑣瑣。丙子除夕五首。

五十未爲老，中人不稱窮。何況春耐綠，對此蠟燈紅。前年子取婦，生女呼吾翁。連牀索果核，歡笑聲何濃。宵中漫無事，師夫但空室。此意吾自領，不與世窮通。

平明頭未梳，有客已至門。意色何尊尊，冠履亦紛紛。喉中氣噎哽，欲吐不得吞。日出每如此，送迎無朝昏。急走送客去，兀坐還自頤。借問此何時，一歲明朝新。客各歸其家，吾始得吾身。是非且暫息，一夕當干春。

五秩久已開，明朝又過半。人皆笑吾衰，聊爾岸幘看。髮白耳欲聾，齒落眼亦暗。未老笑足嘆，已老何所憾。獨悲少年人，童顏亦潛換。其更如吾老也，受兒童童說。

我本直腸者，瘡痂非所任。使口如衝波，用存吾真因。之屢獲誇世眼，白於銀跡。遂或見諒，親契時得真。遂觀寸心中，實可盟鬼神。請從歲除夜，直題今年春。三百六十日，何事不再論。

丁丑明朝來，丙子今夜去。周旋春與秋，欲別不忍遽。殷勤撫轡昔，端坐相告語。昔者五六月，交扇汗如注。今來幾何時，層冰礙行路。雖白歲之常，還憂亦可懼。何況人世間，寒恒異朝暮。因之感物理，惆悵至天曙。

寫詩葉竟漫成四首
排纂新詩一卷成，自吟也怪太愁生。聲依征鴈霜前度，意逐孤舟雪裏行。心血暗隨年序散，眼光還共鏡波清。可憐舉似無人會，寫向秋旻伴月明。

敢謂時流乏老成，嘉隆傳派可憐生。直從六義波翻後，獨向千峯頂上行。燈過夜闌花倍艷，月來秋後鳬逾清。何緣重起西崖輩，一刮金篦眼再明。

非關辭苦太丁寧，此章從來仗性靈。不是金針暗中度，可堪乾殺讀書螢。

眼前誰假又誰真，嬾向多岐問去津。從御數人皆盛飾，低頭賴有尹夫人。

擬古兩頭纖纖
兩頭纖纖龍忽騰，半黑半白雲初昇。扁扁膊膊雷發聲，磊磊落落兩雹冰。

擬古離舍隱郡姓名詩
冬高浪波湖霜重，藥苗枯澤堅能度。馬空室獨愁子歸時，竟無日諒已去京都。

和牧翁庚辰元旦韻
敢將塵面向公前，世事漸除不拜年。無客自斟婪尾酒，有魚不羨板頭船。牀邊整頓辰年曆，枝畔籌量閏月天。老矣祇堪局戶坐，恥將文籍較囊錢。

和履之元旦韻
曉氣晴窗已漸可，憐四十八年春。痴歎賣去還歸我，椒酒斟來更誤人。錦夢昨宵僧僧結，仙微吟今日硯。相親報君一事應，歡春開花開未厭貧。

石林見示除夕元旦二詩，依韻和之
春來冬去總相忘，守歲方知此夜長。淨掃寒灰由臘火，閒看春色送爐香。重尋舊句還登卷，薄中新醅未上鄉。事事與師無隔別，孤燈自照亦匡牀。

獨守孤燈坐上元，此生甘分老丘園。猶餘妄想口多稼，淨掃憂懷笑樹萱。老我杯鎗馮燕罷，隨人口舌鎮新翻。與師共有安心法，不向人間問輕軒。

元夕同履之再和
風光事事不如前，閒說燒燈憶少年。結伴共邀昏後月，看

花還上夜深船遺細檢曾遊地幽夢相牽欲曙天今日
時移尋不得大都人世惜金錢

再和石師元夕作同用韻

承平暗記憶前朝不道殘年見寂寥避寇正虞蟾影黑無
燈更覺雪光遙春心逐夢應還斷吟鬼馮巫未可招却羨
老僧無事事一龕擁衲坐清宵

立春積雪和履之韻

春遲偏喜近燈前準擬風光似去年何意忽哀華澤竹聲
人還憶剡溪船四垂雲脚低連地一桁山頭峻逼天却是
老農齊擊手定知斗米值升錢

元夜雪再和石師韻

亂送狂飛舞白雲紛紛何處問新春法曹賦就誇重璧蕭
史丹成如冰銀橋畔阿誰尋句客枝邊剩有忍寒人謝娘

此日薰香坐應看梅花點額新

次韻和夕公蚤春積雪三首

乍看青帝及東郊拂面春風憶昔交忽報同雲迷屋角便
驚飛雪壓簷茅寒驢放飽衝寒出小艇裴成倚樹拋馮說
泛羔圍錦帳幽人總不掛眉梢

盡卷重帷凭綺窓老餘豪氣未全降掃烹活火雲千片遠
踏寒香履一雙狂愛風飄迴洛渚疊成峯勢想廬江明朝
若是東風急擬聽溪流徹夜淙

去年曾憶過疎橋風蕭蕭蕭蕭鶴翎翎收得暖烟偎絳袖侵
來寒氣入青萍竹留墜勢當窻入鴈激哀聲擁鼻聽今日
再逢悲隔歲共君指點索銀瓶

偶感階前小松再用履之元旦韻

已覺柔條逐歲新寒松何事不知春得成虬幹愁爲棟未

是瓊枝敢傍人自向巉巖擎雨雪豈從桃李妬情親却憐
歲暮青青候滿院濤聲不厭貧

石公借十七史調之二首

劉成項敗太紛紛安用殘編管世氣四十九年無一句莫
將學地滯多聞

遠公論易先明體慧地談文祇說心若問古今興廢事恐
師無處不露襟

爲友人悼亡三首

一樹梨花逐雨空夢迴何處翠微宮合歡綺席塵凝綠垂
壁羅帷淚漬紅檀點尚粘粧閣畔綵牋愁見鏡奩中多情
奉倩應何似坐對孤燈泣曉風

駭駕輜輶到易遷蕭聲愁絕鳳臺烟七元步遠飛羅幃三
素雲深隱翠鈿豈有涼風迴水上空悲落月照窻前綺寮

瓊樹今誰主惟有殘陽叫暮蟬

流浪浮生不可期靈椿朝槿竟何如小來結友通家日曾
見尋師上學時亡者爲余友履之女婉孌遠摧春後藥輪困誰剩雪殘
枝總來脩短都無定潘岳莊周盡費辭元微之云潘岳悼亡猶費辭止發安仁殊未廣也

小庭新栽叢竹適錢夕公以感事懷人長句見示不勝慨然因次來韻賦竹詩三首爲答

桂堂蘭檻葉深深深幕護閑遮未許侵斜月照來悲晚晚狂
颼吹去費沈吟祇應湘媛通靈語不見王猷惠好音滿眼

資蔬與荊棘嗟君何處覓同心
雪欺霜壓自年年移值難逢雨後天籀解不堪重傳粉節
方何事欲規圓倚來翠袖愁寒夕噪盡寒蟬逐晚烟還冀
化龍隨霧去莫教常伴草芊芊

蔓草狂花豈足儔抽竿偏惜傍瓊樓梧桐似並嗟無鳳蒲

柳雖殊其戰秋西國傳來須作杖南山種得解為舟却憐
小苑驚塵甚月暗宵深替爾愁

閨春詩和錢夕公十三首

春賴閨加添郊遊勝事兼試風金縷袖映日玉與簾氣暖
山如笑烟開樹忽尖花邊遊伴過履齒印來纖

春賴閨加添舟行勝事兼輕烟樓錦纜細浪學文簾倚櫂
桃根弱隨風燕尾尖古語云燕尾浪遲萍開還照髮素手映瓊纖

春賴閨加添重樓勝事兼迎風褰繡幕邀燕捲珠簾日午
朱闌直雲收遠岫尖庾郎盤馬過應羨柳腰纖

春賴閨加添金牀勝事兼氣溫收繡被風薄下綰簾玉暖
香難掩犀靈暈透尖侍兒窓外立還聽語聲纖

春賴閨加添瓊筵勝事兼放鋪羊琬席盡捲夏侯簾衫薄
金泥重釵長玉露尖晚來遲日照一面暈紅纖

春賴閨加添拈鍼勝事兼向陽聯鳳枕逐煖繡駕簾小秘
裙帶閣輕韉合縫尖氣和寒不覺寧惜玉纖纖

春賴閨加添休鐙勝事兼旋抽却寒枕自捲夜明簾宵淺
金爐永粧殘綠鬢尖春妍何處著牀下一鈎纖樂府云足款如春妍

春賴閨加添朝眠勝事兼蘭堂猶下鎖花檻正垂簾金鈿
香風煖彫梁燕語尖試塞雙綵鳳昔詩云鳳凰逐惟低還露玉葱纖

春賴閨加添臨書勝事兼泥箋初罷繡養墨莫披簾沙淨
爭錐畫釵垂曳脚尖倦來支筆坐翡翠一枝纖

春賴閨加添圍碁勝事兼對枰爭寶釧覆局隱珠簾得利
侵邊關乘危關角尖瑣窓遲日落移趁月光纖

春賴閨加添新昏勝事兼停車開寶憶却扇出湘簾灼灼
桃花艷亭亭燭影尖輕風還有意佩動玉聲纖

春賴閨加添新婚勝事兼殘霞羞映頰殊彩喜窺簾未擬

三秋滿先贏一度尖謝娘裁絮罷還詠兩頭纖

春賴閨加添薰風勝事兼睡餘驚拂慢粧罷聽鳴簾西京雜記纖殊至則驚絮舞千重白蒿輕一綫尖芳塵粘廣袖揮手戲文纖

遊絲四首

村舍春深宿霧披遊空到處足晴絲乍疑織婦機中斷還
憶愁人鬢裏垂邀勒暖雲飛不散追隨落葉習應遲却憐

九陌紅塵客滿眼狂花未得知

溶溶颺颺白雲連搖曳無心自作妍輕逐遠烟尋舊侶低
隨飛葉締新綠不堪思婦愁中見祇合羈人醉後憐十日

狂風五日兩知君飄泊阿誰邊

悠揚煖日半竿紅意外摧殘一陣風不逐流鶯語雲物便
粘飛絮泊簾櫳暗窓忽到疑懸網孤艇遙垂伴轉蓬未免

有情能不歎拂晴露雨總成空

垂風聊且學因循總是忘機自在身飛鳥任憑疑速嫩遊
魚莫認是垂綸欲粘花片全無力便墜泥塗也不嗔賴得

虛空無管束卷舒何處不天真

默菴遺藁卷第二

默菴遺藁卷第二

默菴遺藁卷第二

默菴遺藁卷第二

默菴遺藁卷第二

默菴遺藁卷第二

默菴遺藁卷第二

默菴遺藁卷第二

默菴遺藁卷第二

默菴遺藁卷第二

默菴遺藁卷第二

默菴遺藁卷第二

默菴遺藁卷第二

默菴遺藁卷第二